

ხელშეკრულება სახელმწიფო შესყიდვების შესახებ N188.1

ქ. ყვარელი 9 ოქტომბერი 2015 წელი

ერთის მხრივ, ყვარლის მუნიციპალიტეტის გამგეობა (შემდგომში „შემსყიდველი“), წარმოდგენილი მისი გამგებლის ილია მჭექალაშვილის სახით და მეორეს მხრივ, შპს „საავტომობილო გზების რეაბილიტაციისა და მოდერნიზაციის ზედამხედველობის ღირებულება“ (შემდგომში „მიმწოდებელი“), მისი დირექტორის მერაბ ჯიშიაშვილის სახით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტისა და საქართველოს მთავრობის 2015 წლის 23 სექტემბრის №2046 განკარგულების საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 ხელშეკრულება სახელმწიფო შესყიდვის შესახებ (შემდგომში – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 ხელშეკრულების ღირებულება – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე, კვირა, თვე“ – კალენდარულ დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურებას ამ ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ხელშეკრულების საგანს წარმოადგენს ყვარლის მუნიციპალიტეტის ტერიტორიაზე 2015 წლის 20 აგვისტოს მომხდარი სტიქიის შედეგად დაზიანებული საცხოვრებელი სახლების სარეაბილიტაციო სამუშაოების საზედამხედველო მომსახურების გაწევა – შემდგომში მომსახურება. (CPV 71200000).

3. ხელშეკრულების ღირებულება

3.1. ხელშეკრულების ყოველთვიური ღირებულება შეადგენს 5 000 (ხუთი ათასი ლარი) ლარს, საქართველოს კანონმდებლობით გათვალისწინებული ყველა გადასახადისა და მომსახურების ხელშეკრულების პირობების შესაბამისად მომსახურების გაწევასთან დაკავშირებული ყველა ხარჯის გათვალისწინებით.

4. მხარეთა უფლება-მოვალეობანი

4.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა დახარისხის ინსპექტირება.

ბ) მიმწოდებლისგან მოითხოვოს შესყიდვის ობიექტის მიწოდება წინამდებარე ხელშეკრულებით გათვალისწინებულ დროსა და ადგილას.

გ) ინსპექტირების შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ხარვეზის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება ხარვეზების გამოსწორებამდე.

დ) მოითხოვოს ხელშეკრულების პირობების შეუსრულებლობით ან არაჯეროვანი შესრულებით, მიყენებული ზიანის ანაზღაურება, ყოველ კონკრეტულ ობიექტზე გასაწევი საზედამხედველო მომსახურების ღირებულების 3%-ის (სამი პროცენტი) ოდენობით.

4.2. შემსყიდველი ვალდებულია:

ა) უზრუნველყოს მიმწოდებლისათვის მომსახურების ღირებულების ანაზღაურება ხელშეკრულებით გათვალისწინებულ ვადებში.

ბ) შეამოწმოს გაწეული მომსახურების ხარისხის შესაბამისობა ხელშეკრულებით განსაზღვრულ ხარისხთან.

4.3. მიმწოდებელი უფლებამოსილია:

ა) მოითხოვოს ხელშეკრულების პირობების დაცვა.

ბ) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებულ ვადებში.

გ) მოითხოვოს ხელშეკრულების პირობების შეუსრულებლობით ან არაჯეროვანი შესრულებით, მიყენებული ზიანის ანაზღაურება.

4.4. მიმწოდებელი ვალდებულია:

ა) უზრუნველყოს ყვარლის მუნიციპალიტეტის ტერიტორიაზე 2015 წლის 20 აგვისტოს მომხდარი სტიქიის შედეგად დაზიანებული საცხოვრებელი სახლების სარეაბილიტაციო სამუშაოების ინსპექტირება, შესრულებული სამუშაოების მოცულობებისა და ხარისხის შემოწმება.

ბ) გასწიოს მომსახურება სათანადო ხარისხით ხელშეკრულების პირობებისა და მის შესაბამისად განსაზღვრულ ვადებში.

გ) შესაბამისი შეტყობინების შემთხვევაში უზრუნველყოს ობიექტის ინსპექტირების/საზედამხედველო მომსახურების შედეგად გამოვლენილი ხარვეზების აღმოფხვრის ღონისძიებების დაუყოვნებლივ (ოპერატიულად) გატარება.

დ) შეასრულოს სახელშეკრულებო ვალდებულებები პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს, შემსყიდველის წინასწარი წერილობითი თანხმობის გარეშე.

ე) შემსყიდველის მოთხოვნის საფუძველზე მიაწოდოს მას ინფორმაცია ხელშეკრულების პირობების შესრულების შესახებ.

ვ) წარუდგინოს პრეტენზიები მშენებელს ხელშეკრულების პირობების შეუსრულებლობისათვის ან/და სამუშაოების უხარისხო შესრულებისათვის. საჭირო შემთხვევაში შეაჩეროს შესაბამისი სამუშაოები და შემდგომი რეაგირებისათვის სათანადო ინფორმაცია (ხელშეკრულების პირობებისა და მოთხოვნების დარღვევის დასაბუთებული აღწერით) მიაწოდოს შემსყიდველს.

5. ანგარიშსწორების ფორმა და ვადები

5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

5.2. მიმწოდებელთან ანგარიშსწორება იწარმოებს გაწეული მომსახურების მიღება-ჩაბარების აქტისა და ანგარიშ-ფაქტურის საფუძველზე.

5.3. მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 15 საბანკო დღის განმავლობაში.

6. მიღება-ჩაბარების წესი

6.1. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ყვარლის მუნიციპალიტეტის გამგებელი ილია მზექალაშვილი.

6.2. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

7. მომსახურების გაწევის ადგილი და ვადა

7.1 მომსახურების გაწევის ადგილია: ყვარლის მუნიციპალიტეტი.

7.2. ხელშეკრულებით გათვალისწინებული მომსახურების ვადაა 2015 წლის 9 ოქტომბრიდან 2015 წლის 30 ოქტომბრის ჩათვლით.

8. ხელშეკრულებით ნაკისრი ვალდებულებების შესრულების ინსპექტირება.

8.1. ხელშეკრულებით ნაკისრი ვალდებულებების შესრულების ინსპექტირებას ახორციელებს ყვარლის მუნიციპალიტეტის გამგებლის 2015 წლის 27 ივლისის #505 განკარგულების საფუძველზე შექმნილი ინსპექტირების ჯგუფი

2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული ანგასაწევი მომსახურების ხარისხის კონტროლს.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შეუსრულებლობის ან არაჯეროვანად შესრულების შემთხვევაში

მიმწოდებელს ეკისრება პირგასამტეხლო ყოველ კონკრეტულ ობიექტზე გასაწევი საზედამხედველო მომსახურების ღირებულების 3%-ის (სამი პროცენტი) ოდენობით.

9.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.3. მხარეები უფლებამოსილნი არიან მოითხოვონ ხელშეკრულების შესრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

10. საგარანტიო მომსახურება

10.1 მიმწოდებელი ვალდებულია ხელშეკრულების მოქმედების ვადის ამოწურვამდე უზრუნველყოს საგარანტიო მომსახურების გაწევა.

10.2. ხელშეკრულებით გათვალისწინებული საზედამხედველო მომსახურების მოქმედების ვადის განმავლობაში მიმწოდებელი ვალდებულია შემსყიდველის მოთხოვნის საფუძველზე უზრუნველყოს ინსპექტირების შედეგად გამოვლენილი მიწოდებელი მომსახურების ნაკლის/ ხარვეზის/დეფექტის აღმოფხვრის ღონისძიების დაუყოვნებლივ, ოპერატიულად გატარება, გარდა იმ შემთხვევისა, როდესაც აღნიშნული ნაკლი გამოწვეულია მიმწოდებლის ბრალისგან დამოუკიდებლად.

10.3. საგარანტიო ვადის დინება იწყება საბოლოო მიღება-ჩაბარების აქტის გაფორმების თარიღიდან.

11. ხელშეკრულებაში ცვლილების შეტანა

11.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა წინასწარი შეთანხმების საფუძველზე.

11.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია თავდაპირველად დადებული ხელშეკრულების ღირებულების 10%-ზე მეტით ოდენობით.

12. ხელშეკრულების შეწყვეტა

12.1. თუ ხელშეკრულების ერთი მხარე არღვევს ორმხრივი ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია შეწყვიტოს ხელშეკრულების მოქმედება ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ.

12.2. დამატებითი ვადის დაწესება აუცილებელი არ არის, თუ:

ა) აშკარაა, რომ მას არავითარი შედეგი არ ექნება;

ბ) განსაკუთრებული საფუძვლებიდან გამომდინარე, ორმხრივი ინტერესების გათვალისწინებით, გამართლებულია ხელშეკრულების დაუყოვნებლივ მოშლა.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს საქონლის მიწოდებაზე ემბარგოს დაწესებით, ომით, სტიქიური მოვლენებით, ეპიდემიით, კარანტინით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

14. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის დღიდან და ძალაშია 2015 წლის 30 ოქტომბრამდე.

16. დასკვნითი დებულებები

ხელშეკრულება შედგენილია ქართულენაზე, ორი თანაბარი ძალის მქონე ეგზემპლარად და ინახება ხელშეკრულების მხარეებთან.

17. მხარეთა მისამართები, საბანკო რეკვიზიტები და ხელმოწერები:

„შემსყიდველი“

„შემსყიდველი“
ყვარლის მუნიციპალიტეტის გამგეობა;
მისამართი კუდიგორის ქ. №1;
კოდი 241578574

ყვარლის მუნიციპალიტეტის გამგებელი

ილია მზექალაშვილი



„მიმწოდებელი“

შ.პ.ს. „საავტომობილო გზების
რეაბილიტაციისა და მოდერნიზაციის
ზედამხედველობის დირექცია“

საიდ. კოდი: 212272477

ქ. თბილისი, დიდუბე-ჩუღურეთის რაიონი,
მიქელაძის ქ. #1ა

ს.ს. „საქართველოს ბანკი“

ბანკის კოდი: BAGAGE22

ანგ. N GE38BG0000000116785701

შ.პ.ს. „საავტომობილო გზების

რეაბილიტაციისა და

მოდერნიზაციის ზედამხედველობის

დირექცია“-ს დირექტორი

მერაბ ჯიშიაშვილი

